



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ivdx Magistratevs Senator

Zype, Franciscus van der

Antverpiæ, 1633

§. IV. De iure sacrorum.

urn:nbn:de:hbz:466:1-14280

Ne amplius Senatusconsulta fiant. abrogata l. 9. D. de leg. & Senatusconsultis. & ad Principem id iuris retrahit.

§. IV.

De iure sacrorum.

IVra Sacrorum & Religionis à iuris & politica peritis ad summum Imperium referuntur. Iudæi diu eosdem Reges & Sacerdotes habuerunt. Melchisedech Rex Salem fuit, & Dei sacerdos. Anius apud Virgilium

Rex idem hominum Phœbique Sacerdos.

Nunc Deum munere, inquit Tacit. 3. *Annal. Summum Pontificem, Summum hominum esse Imperatorem.* sic & apud multas gentes. quarum Reges, seu qui clauum Reip. tenebant, de religione leges tulerunt. ita *De sacris statuta*
Numa, ita decemviri in legibus XII. Tabul.

Deorum fabulas ne credunto.

Deos peregrinos, præter Faunum, ne colunto.

Separatim nemo habesit Deos.

Neque novos, sed nec aduenas, nisi publice

Adscitos, priuatim colunto.

Nocturnas in templo vigiliis ne habentō.

Nocturna mulierum Sacrificia ne fuinto.

Præter illa quæ pro populo rite fiant, &c.

Ne quem inuitantō (nisi vt assolet Cæleri) Græco sacro, &c.

Ita & apud *Liuium l. 15.* decretum, ne qua Bacchanalia Romæ, neuè in Italia essent. apud *Tac. 2. Ann.* factum Senatusconsultum de sacris Iudaicis, Ægyptijsque pellendis. & sub Claudio, *Viderent Pontifices quæ retinenda, firmandaque Aruspicum essent.* sed hæc initio Imperij, atque in speciem, alioquin ad se deinde Iura Sacrorum in solidum Impp. transtulerunt. ita & Constantinus mox à baptismo Christianis templa, & Christi cultum permisit. quod Tiberius proposuerat; sed Senatusconsulto repullus fuit. & Alexander Seuerus, & Adrianus cogitarat.

§. V.

De Magistratum creatione.

Magistratum creatio ad summi Imperij iura etiam pertinet. Cum Romæ Majestas penes populum esset, in comitijs creatio peragebatur: tandè e Campo ad Patres translata est;

muta;